

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-20028-1/12.

Zenica, 19, 20, 24. i 25.09.2012. godine

**ZAPISNIK**

**sa 80. sjednice Vlade Zeničko-dobojskog kantona  
održane 19.09.2012. godine i nastavaka 80. sjednice održanih  
20, 24. i 25.09.2012. godine**

Sjednica je održana u sali 109, prvi sprat u zgradi Kantona, dana 19.09.2012. godine sa početkom u 10<sup>00</sup> sati.

Nastavak sjednice održan je u sali 109, prvi sprat u zgradi Kantona, dana 20.09.2012. godine sa početkom u 13<sup>00</sup> sati, nastavak sjednice održan dana 24.09.2012. godine u 8<sup>00</sup> sati obavljen je telefonskim putem i nastavak sjednice održan u sali 109, prvi sprat u zgradi Kantona, dana 25.09.2012. godine sa početkom u 12<sup>00</sup> sati.

Sjednici i nastavcima sjednice je predsjedavao Fikret Plevljak, premijer Zeničko-dobojskog kantona.

Sjednici su prisustvovali članovi Vlade:

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Mirsad Isaković, ministar Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okoliša,
10. Ekrem Tuka, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Jasna Ahmetspahić, portparol,
4. Azra Dedić, zapisničar.

U svojstvu izvjestioca sjednici prisustvuje:

1. Suad Sivić, v.d. direktora Kantonalnog zavoda za javno zdravstvo Zenica.

Premijer Zeničko-dobojskog kantona stavio je na diskusiju predloženi

**DNEVNI RED:**

1. Verifikacija:
  - Zapisnika sa 77. sjednice Vlade Zeničko-dobojskog kantona, održane 04.09.2012. godine;
  - Zapisnika sa 78. sjednice Vlade Zeničko-dobojskog kantona, održane 07.09.2012. godine;
  - Zapisnika sa 79. sjednice Vlade Zeničko-dobojskog kantona, održane 12.09.2012. godine
2. Prijedlog Zakona o šumama, sa Prijedlogom Zaključka o utvrđivanju;
3. Prijedlog Zaključka o odobravanju sredstava namijenjenih za nabavku dotrajalih dijelova šumarskih uniformi-košulja za čuvarsku službu Kantonalne uprave za šumarstvo;
4. Prijedlog Zaključka o izjašnjenju Vlade Zeničko-dobojskog kantona u vezi opravdanosti izgradnje benzinskih pumpi sa pratećim djelatnostima na autocesti A1 na trasi koridora Vc, na dionici Visoko-Podlugovi, na području Zeničko-dobojskog kantona;
5. Program provođenja jesenje faze obavezne preventivne sistematske deratizacije na području Zeničko-dobojskog kantona za 2012. godinu (kontrola uzročnika zaraznih oboljenja i njihovih prenosilaca-glodara), sa Prijedlogom Zaključka o usvajanju;
6. Prijedlog Odluke o odobravanju sredstava za provođenja preventivne sistematske deratizacije, dezinfekcije i dezinfekcije na području Zeničko-dobojskog kantona u jesenjoj fazi 2012. godine;
7. Informacija o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču, sa Prijedlogom Zaključka o primanju na znanje;
8. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-18-18906/12 od 27.08.2012. godine;
9. Prijedlog Odluke o davanju saglasnosti za prenošenje prava i obaveza iz Ugovora o koncesiji broj: 04-18-1299-14/03 od 15.03.2004. godine, za eksploataciju mineralnog resursa krečnjaka na lokalitetu „Paska Luka“ kod Olova sa privrednog društva „Bosnaputevi“ d.d. Sarajevo na privredno društvo „Amina trade“ d.o.o. Sarajevo;
10. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-18-18907/12 od 27.08.2012. godine;
11. Prijedlog Odluke o davanju saglasnosti za prenošenje prava i obaveza iz Ugovora o koncesiji broj: 04-18-111834-1/08 od 16.09.2008. godine, za eksploataciju mineralnog resursa dijabaza na lokalitetu „Željezno Polje“ kod Žepča sa privrednog društva „Proton“ d.o.o. Žepče na privredno društvo „Dim kamenolom“ d.o.o. Žepče;
12. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-18-15218/12 od 28.06.2012. godine;
13. Prijedlog Zaključka o odobravanju sredstava na ime dijela troškova za potrebe operativnog zahvata za Safeta Avdića iz Žepča, demobilisanog branioca;
14. Prijedlog Zaključka Kantonalne uprave za inspeksijske poslove u vezi akta načelnika općine Kakanj po pitanju uklanjanja bespravno izgrađenih objekata;
15. Prijedlog izmjena i dopuna Programa rada Vlade Zeničko-dobojskog kantona za 2012. godinu;
16. Prijedlog Rješenja o imenovanju Interresorne radne grupe za izradu Informacije o stanju i funkcionisanju medija na području Zeničko-dobojskog kantona;
17. Prijedlog Rješenja o imenovanju Interdisciplinarnе radne grupe za izradu Informacije o opravdanosti osnivanja Javnog servisa Kantonalna radio-televizija;
18. Informacija radne grupe za analizu propisa kojima se uređuje rad Kantonalne uprave za inspeksijske poslove sa ciljem stavljanja uvjeta za efikasniji rad,
19. Upoznavanje članova Vlade sa:
  - aktom Ministarstva za privredu broj: 04-24-18921/12 od 10.09.2012. godine pod nazivom Izjašnjenje u vezi Zaključka Vlade Zeničko-dobojskog kantona broj: 02-24-18921/12 od 27.08.2012. godine;

Premijer Zeničko-dobojskog kantona je predložio dopunu dnevnog reda sa tačkama:

1. Prijedlog Zaključka o imenovanju punomoćnika državnog kapitala ispred Zeničko-dobojskog kantona za Skupštinu privrednog društva "Autotrans" d.d. Vareš;

**Izvjestilac:** Raif Seferović, ministar

2. Prijedlog Zaključka o odobravanju sredstava udruženju „Infohause“ iz Sarajeva u svrhu provođenja projekta „Volontiraj-kreditiraj 2012“ radi „zapošljavanja“ srednjoškolaca poljoprivrednog, veterinarskog, građevinskog i šumarskog smjera radi sticanja prakse u ministarstvu;

**Izvjestilac:** Bojan Bošnjak, ministar

Članovi Vlade saglasili su se sa dopunama pa je za sjednicu jednoglasno usvojen slijedeći

### **DNEVNI RED:**

1. Verifikacija:
  - Zapisnika sa 77. sjednice Vlade Zeničko-dobojskog kantona, održane 04.09.2012. godine;
  - Zapisnika sa 78. sjednice Vlade Zeničko-dobojskog kantona, održane 07.09.2012. godine;
  - Zapisnika sa 79. sjednice Vlade Zeničko-dobojskog kantona, održane 12.09.2012. godine
2. Prijedlog Zakona o šumama, sa Prijedlogom Zaključka o utvrđivanju;
3. Prijedlog Zaključka o odobravanju sredstava namijenjenih za nabavku dotrajalih dijelova šumarskih uniformi-košulja za čuvarsku službu Kantonalne uprave za šumarstvo;
4. Prijedlog Zaključka o izjašnjenju Vlade Zeničko-dobojskog kantona u vezi opravdanosti izgradnje benzinskih pumpi sa pratećim djelatnostima na autocesti A1 na trasi koridora Vc, na dionici Visoko-Podlugovi, na području Zeničko-dobojskog kantona;
5. Program provođenja jesenje faze obavezne preventivne sistematske deratizacije na području Zeničko-dobojskog kantona za 2012. godinu (kontrola uzročnika zaraznih oboljenja i njihovih prenosilaca-glodara), sa Prijedlogom Zaključka o usvajanju;
6. Prijedlog Odluke o odobravanju sredstava za provođenja preventivne sistematske deratizacije, dezinfekcije i dezinfekcije na području Zeničko-dobojskog kantona u jesenjoj fazi 2012. godine;
7. Informacija o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču, sa Prijedlogom Zaključka o primanju na znanje;
8. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-18-18906/12 od 27.08.2012. godine;
9. Prijedlog Odluke o davanju saglasnosti za prenošenje prava i obaveza iz Ugovora o koncesiji broj: 04-18-1299-14/03 od 15.03.2004. godine, za eksploataciju mineralnog resursa krečnjaka na lokalitetu „Paska Luka“ kod Olova sa privrednog društva „Bosnaputevi“ d.d. Sarajevo na privredno društvo „Amina trade“ d.o.o. Sarajevo;
10. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-18-18907/12 od 27.08.2012. godine;
11. Prijedlog Odluke o davanju saglasnosti za prenošenje prava i obaveza iz Ugovora o koncesiji broj: 04-18-111834-1/08 od 16.09.2008. godine, za eksploataciju mineralnog resursa dijabaza na lokalitetu „Željezno Polje“ kod Žepča sa privrednog društva „Proton“ d.o.o. Žepče na privredno društvo „Dim kamenolom“ d.o.o. Žepče;
12. Prijedlog Zaključka o stavljanju van snage Zaključka Vlade Zeničko-dobojskog kantona broj: 02-18-15218/12 od 28.06.2012. godine;
13. Prijedlog Zaključka o odobravanju sredstava na ime dijela troškova za potrebe operativnog zahvata za Safeta Avdića iz Žepča, demobilisanog branioca;
14. Prijedlog Zaključka Kantonalne uprave za inspeksijske poslove u vezi akta načelnika općine Kakanj po pitanju uklanjanja bespravno izgrađenih objekata;

15. Prijedlog izmjena i dopuna Programa rada Vlade Zeničko-dobojskog kantona za 2012. godinu;
16. Prijedlog Rješenja o imenovanju Interresorne radne grupe za izradu Informacije o stanju i funkcionisanju medija na području Zeničko-dobojskog kantona;
17. Prijedlog Rješenja o imenovanju Interdisciplinarne radne grupe za izradu Informacije o opravdanosti osnivanja Javnog servisa Kantonalna radio-televizija;
18. Informacija radne grupe za analizu propisa kojima se uređuje rad Kantonalne uprave za inspeksijske poslove sa ciljem stavljanja uvjeta za efikasniji rad,
19. Prijedlog Zaključka o imenovanju punomoćnika državnog kapitala ispred Zeničko-dobojskog kantona za Skupštinu privrednog društva "Autotrans" d.d. Vareš;
20. Prijedlog Zaključka o odobravanju sredstava udruženju „Infohause“ iz Sarajeva u svrhu provođenja projekta „Volontiraj-kreditiraj 2012“ radi „zapošljavanja“ srednjoškolaca poljoprivrednog, veterinarskog, građevinskog i šumarskog smjera radi sticanja prakse u ministarstvu;
21. Upoznavanje članova Vlade sa:
  - aktom Ministarstva za privredu broj: 04-24-18921/12 od 10.09.2012. godine pod nazivom Izjašnjenje u vezi Zaključka Vlade Zeničko-dobojskog kantona broj: 02-24-18921/12 od 27.08.2012. godine.

### **Prva tačka dnevnog reda**

Vlada je jednoglasno donijela verifikovala Zapisnik sa 77. sjednice Vlade Zeničko-dobojskog kantona, održane 04.09.2012. godine, Zapisnik sa 78. sjednice Vlade Zeničko-dobojskog kantona, održane 07.09.2012. godine i Zapisnik sa 79. sjednice Vlade Zeničko-dobojskog kantona, održane 12.09.2012. godine

### **Druga tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova, Ministar Ministarstva za rad, socijalnu politiku i izbjeglice, Ministar Ministarstva za privredu, Ministar Ministarstva za poljoprivredu, šumarstvo i vodoprivredu, Ministar Ministarstva za prostorno uređenje, promet i komunikacije i zaštitu okoline, Ministrica Ministarstva zdravstva, Ministar Ministarstva za boračka pitanja, Sekretar Vlade i Sekretar Sekretarijata za zakonodavstvo.

Vlada je zadužila Ministarstvo za poljoprivredu, šumarstvo i vodoprivredu da izvrši korekcije preloženog Nacrta u skladu sa primjedbama i sugestijama datim na sjednici i jednoglasno donijela Zaključak kojim se utvrđuje Nacrt Zakona o šumama i upućuje u dalju skupštinsku proceduru

Vlada je donijela i Zaključak kojim se zadužuje Ministar Ministarstva za poljoprivredu, šumarstvo i vodoprivredu da, nakon što Nacrt Zakona o šumama prođe skupštinsku proceduru, zakaže javnu raspravu u organizaciji ministarstva na koju će biti pozvani načelnici općina sa područja Zeničko-dobojskog kantona, predstavnici Ministarstva unutrašnjih poslova, Kantonalnog tužilaštva i Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići.

### **Treća tačka dnevnog reda**

U diskusiji su učestvovali: Ministrica Ministarstva zdravstva, Ministar Ministarstva za poljoprivredu, šumarstvo i vodoprivredu i Premijer Zeničko-dobojskog kantona.

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava namijenjenih za nabavku dotrajalih dijelova šumarskih uniformi-košulja za čuvarsku službu Kantonalne uprave za šumarstvo, na prijedlog predlagača.

### **Četvrta tačka dnevnog reda**

Obrazloženje za ovu tačku dnevnog reda dao je Raif Seferović, ministar Ministarstva za prostorno uređenje, saobraćaj i komunikacije i zaštitu okoline.

U diskusiji su učestvovali: Premijer Zeničko-dobojskog kantona i Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim Vlada Zeničko-dobojskog kantona daje mišljenje da je opravdana izgradnja benzinskih pumpi sa pratećim djelatnostima na autocesti A1 na trasi koridora Vc, na dionici Visoko – Podlugovi na području Zeničko-dobojskog kantona, jer je u skladu sa Prostornim planom Zeničko-dobojskog kantona (2009-2029), što je osnov za utvrđivanje javnog interesa.

Vlada je donijela i Zaključak kojim se zadužuje Ministar Ministarstva za prostorno uređenje, promet i komunikacije i zaštitu okoline da pokrene disciplinski postupak protiv izvršilaca koji nisu pravovremeno postupili po aktu Vlade Federacije Bosne i Hercegovine kojim se traži mišljenje Vlade Zeničko-dobojskog kantona u vezi donošenja Odluke o utvrđivanju javnog interesa za izgradnju benzinskih pumpi sa pratećim djelatnostima na autocesti A1 na trasi koridora Vc, na dionici Visoko – Podlugovi na području Zeničko-dobojskog kantona.

### **Peta tačka dnevnog reda**

Uvodno obrazloženje za ovu tačku dala je Senka Balorda, ministrica Ministarstva zdravstva.

U diskusiji su učestvovali: Ministar Ministarstva za rad, socijalnu politiku i izbjeglice, Ministrica Ministarstva zdravstva i V.d. direktora Kantonalnog zavoda za javno zdravstvo Zenica.

Vlada je jednoglasno donijela Zaključak kojim se usvaja Program provođenja jesenje faze obavezne preventivne sistematske deratizacije na području Zeničko-dobojskog kantona 2012. godine.

Nalaže se Kantonalnom zavodu za javno zdravstvo da Program iz ovog zaključka realizuje u skladu sa naredbom Ministarstva zdravstva.

Za realizaciju ovog zaključka zadužuju se Ministarstvo zdravstva i Kantonalni zavod za javno zdravstvo u saradnji sa domovima zdravlja sa područja Zeničko-dobojskog kantona, svako u okviru svoje nadležnosti.

### **Šesta tačka dnevnog reda**

Vlada je jednoglasno donijela Odluku kojom se odobravaju finansijska sredstva u visini od 50.000,00 KM (slovima: pedesethiljada konvertibilnih maraka) za provođenje poslova preventivne sistematske deratizacije, dezinfekcije i dezinfekcije u jesenjoj fazi 2012. godine, objekata i površina kojim upravlja Zeničko-dobojski kanton.

Sredstva iz ove Odluke isplatit će se iz Budžeta Zeničko-dobojskog kantona za 2012. godinu, razdjel 21, budžetska organizacija 01, potrošačka jedinica 0001-Ministarstvo zdravstva, ekonomski kod 614300, subanalitika LAX002-Tekući transfer za deratizaciju.

Organizovanje i sprovođenje poslova iz ove Odluke će obaviti Kantonalni zavod za javno zdravstvo Zenica u skladu sa Programom provođenja proljetne faze obavezne preventivne

Za realizaciju ove Odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

### **Sedma tačka dnevnog reda**

Objasnenje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: Ministar Ministarstva finansija, Premijer Zeničko-dobojskog kantona, Ministar Ministarstva za obrazovanje, nauku, kulturu i sport, Ministar Ministarstva za poljoprivredu, šumarstvo i vodoprivredu, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za rad, socijalnu politiku i izbjeglice i Ministar Ministarstva unutrašnjih poslova.

Vlada je sa osam glasova „za“ i tri glasa „protiv“ donijela Zaključak kojim se prima na znanje Informacija o davanju saglasnosti Fakultetu strojarstva i računarstva Sveučilišta u Mostaru za izvođenje dijela nastave stručnog studija računarstva u Žepču.

Vlada je sa osam glasova „za“ i tri glasa „protiv“ donijela i Zaključak kojim se zadužuje Ministarstvo za obrazovanje, nauku, kulturu i sport da u narednih 15 dana organizuje tematsku konferenciju na temu „Programske smjernice visokog obrazovanja u Zeničko-dobojskom kantonu, sa posebnim osvrtom na utvrđivanje kriterija za osnivanje privatnih fakulteta na području kantona“.

Radi obaveza članova Vlade, sjednica je prekinuta u 12<sup>30</sup> sati.

**Nastavak sjednice je održan 20.09.2012. godine u 13<sup>00</sup> sati.**

Nastavku sjednice prisustvuju svi ministri.

Sjednici opravdano ne prisustvuje Berjana Ačkar, sekretar Vlade.

### **Osma tačka dnevnog reda**

Objasnenje za ovu tačku dnevnog reda dao je Džemil Ugarak, ministar Ministarstva za privredu.

Vlada je jednoglasno donijela Zaključak kojim se stavlja van snage Zaključak Vlade Zeničko-dobojskog kantona, broj: 02-18-18906/12 od 27.08.2012. godine.

Zadužuje se Ministarstvo za privredu da u skladu sa ovim Zaključkom i Zakonom o koncesijama, pripremi novi prijedlog Odluke o prijenosu ugovora o koncesiji sa privrednog društva „Bosnaputevi“ d.d. Sarajevo na privredno društvo „Amina trade“ d.o.o. Sarajevo.

### **Deveta tačka dnevnog reda**

Objasnenje za ovu tačku dnevnog reda dao je Džemil Ugarak, ministar Ministarstva za privredu.

U diskusiji su učestvovali: Ministar Ministarstva za prostorno uređenje, promet i komunikacije i zaštitu okoline, Premijer Zeničko-dobojskog kantona, Ministar Ministarstva za privredu, Ministar Ministarstva za poljoprivredu, šumarstvo i vodoprivredu, Ministar Ministarstva

za rad, socijalnu politiku i izbjeglice, Ministar Ministarstva finansija, Ministar Ministarstva za obrazovanje, nauku, kulturu i sport i Sekretar Sekretarijata za zakonodavstvo.

Vlada se saglasila sa pauzom u radu od 14<sup>05</sup> sati u trajanju od 15 minuta.  
Nakon pauze sjednica nije nastavljena.

Članovi Vlade su se saglasili da se nastavak sjednice održi telefonskim putem dana 24.09.2012. godine u 8<sup>00</sup> sati, za 19. tačku dnevnog reda, radi potrebe održavanja Skupštine privrednog društva "Autotrans" d.d. Vareš.

### **19. tačka dnevnog reda**

Vlada je jednoglasno donijela Zaključak kojim se imenuje Fehim Humkić, stručni savjetnik u Ministarstvu za prostorno uređenje, promet i komunikacije i zaštitu okoline Zeničko-dobojskog kantona, kao punomoćnik državnog kapitala za Skupštinu privrednog društva "Autotrans" d.d. Vareš, zakazanu za ponedjeljak 24.09.2012.godine.

Ovlašćuje se punomoćnik da u ime državnog kapitala u Skupštini dioničara "Autotrans" d.d. Vareš, glasa za usvajanje Odluka iz dnevnog reda:

1. Izbor predsjednika Skupštine i dva ovjerivača zapisnika Skupštine između prisutnih,
2. Razrješenje članova Nadzornog odbora,
3. Razrješenje članova Odbora za reviziju Društva,
4. Imenovanje članova Nadzornog odbora,
5. Imenovanje članova Odbora za reviziju Društva,

te, da za privremene članove Nadzornog odbora ispred državnog kapitala predloži i glasa za:

1. Rasim Kovač
2. Amir Huseinbašić.

Ovlašćuje se Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona da na osnovu ovog zaključka sačini i potpiše punomoć za punomoćnika državnog kapitala.

Za realizaciju ovog zaključka zadužuje se Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

### **Nastavak sjednice je održan 25.09.2012. godine u 12<sup>00</sup> sati.**

Sjednici opravdano ne prisustvuje Raif Seferović, ministar Ministarstva za prostorno uređenje, saobraćaj i komunikacije i zaštitu okoline.

U svojstvu izvjestioca sjednici prisustvuje:

- Mirsada Silajdžić, direktorica Kantonalne uprave za inspeksijske poslove.

### **Deveta tačka dnevnog reda**

Obrazloženje za ovu tačku dnevnog reda dao je Džemil Ugarak, ministar Ministarstva za privredu.

U diskusiji su učestvovali: Premijer Zeničko-dobojskog kantona, Ministar Ministarstva za privredu i Ministar Ministarstva za rad, socijalnu politiku i izbjeglice

Vlada je jednoglasno donijela Odluku kojom se daje saglasnost za prenošenje prava i obaveza iz Ugovora o koncesiji, broj: 04-18-1299-14/03 od 15.03.2004. godine, za eksploataciju mineralnog resursa krečnjaka na lokalitetu „Paska Luka“ kod Olova, sa privrednog društva „Bosnaputevi“ d.d. Sarajevo na privredno društvo „Amina trade“ d.o.o. Sarajevo.

Za realizaciju ove odluke, zadužuje se Ministarstvo za privredu, tako što će sa novim koncesionarom potpisati Ugovor o koncesiji u skladu sa zakonom i podzakonskim aktima.

Vlada je donijela i Zaključak da je potrebno sačiniti unificirani prijedlog ugovora o koncesiji koji će sadržavati zakonom definisane-bitne elemente.

Nadležna ministarstva će prilikom zaključivanja ugovora iz svoje nadležnosti sa podnosiocem odabrane ponude vršiti prilagođavanje ugovora iz ovog zaključka u ovisnosti od potreba.

Za izradu prijedloga ugovora iz ovog zaključka zadužuju se sekretari Ministarstva za privredu, Ministarstva za poljoprivredu, šumarstvo i vodoprivredu i Ministarstva za prostorno uređenje, promet i komunikacije i zaštitu okoline, uz obavezu da za sačinjeni prijedlog ugovora pribave mišljenje Kantonalnog pravobranilaštva u Zenici.

Zadužuju se ministarstva, svako u okviru svoga resora, da za ugovore koji su na snazi, a čija primjena u sadašnjim tržišnim kretanjima može biti štetna za Zeničko-dobojski kanton, kontaktiraju ugovornu stranu sa ciljem pokretanja postupka usklađivanja tih odredbi ugovora u korist Zeničko-dobojskog kantona.

### **10. tačka dnevnog reda**

Vlada je jednoglasno donijela Zaključak kojim se stavlja van snage Zaključak Vlade Zeničko-dobojskog kantona, broj: 02-18-18907/12 od 27.08.2012. godine.

Zadužuje se Ministarstvo za privredu da u skladu sa ovim Zaključkom i Zakonom o koncesijama, pripremi novi prijedlog Odluke o prijenosu ugovora o koncesiji sa „Proton“ d.o.o. Žepče na „Dim-kamenolom“ d.o.o. Žepče.

### **11. tačka dnevnog reda**

Vlada je jednoglasno donijela Odluku kojom se daje saglasnost za prenošenje prava i obaveza iz Ugovora o koncesiji, broj: 04-18-11834-1/08 od 16.09.2008. godine, za eksploataciju mineralnog resursa dijabaza na lokalitetu „Željezno Polje“ kod Žepča, sa privrednog društva „Proton“ d.o.o.Žepče na privredno društvo „Dim kamenolom“ d.o.o. Žepče.

Za realizaciju ove odluke, zadužuje se Ministarstvo za privredu, tako što će sa novim koncesionarom potpisati Ugovor o koncesiji u skladu sa zakonom i podzakonskim aktima.

### **12. tačka dnevnog reda**

Obrazloženje za ovu tačku dnevnog reda dao je Džemil Ugarak, ministar Ministarstva za privredu.

Vlada je jednoglasno donijela Zaključak kojim se stavlja van snage Zaključak Vlade Zeničko-dobojskog kantona, broj: 02-18-15218/12 od 28.06.2012. godine, kojim se zadužuju sekretari Ministarstva za privredu, Ministarstva za poljoprivredu, šumarstvo i vodoprivredu i Ministarstva za prostorno uređenje, promet i komunikacije i zaštitu okoline da pokrenu postupak raskida ugovora o koncesijama sa dužnicima navedenim u Tabeli 4 poglavlja 3. Koncesiona naknada i eksploatisane količine čvrstih mineralnih resursa u 2011. godini, bez ikakvih izuzetaka, kao i u slučaju nedovoljno eksploatisanih količina koje su predmet koncesije.

Zadužuje se Ministarstvo za privredu i Ministarstvo finansija, svako u okviru svoje nadležnosti, a u skladu sa članom 23. Zakona o koncesijama, da sagledavajući ekonomsku opravdanost, pokrenu postupak naplate i eventualnog raskida ugovora o koncesiji.

### **13. tačka dnevnog reda**

U diskusiji su učestvovali: Ministrica Ministarstva zdravstva i Ministar Ministarstva za boračka pitanja.

Vlada je jednoglasno donijela Zaključak kojim se odobravaju sredstva u iznosu od 10.000,00 KM (slovima: deset hiljada konvertibilnih maraka) za potrebe liječenja Safeta (Hasage)



Avdića, demobiliziranog branioca iz Žepča, odnosno sufinansiranja troškova operativnog zahvata na srcu u Centru za srce BH Tuzla.

Sredstva iz ovog Zaključka isplatit će se iz Budžeta Zeničko-dobojskog kantona za 2012. godinu sa budžetske pozicije razdjel 24, budžetska organizacija 01, potrošačka jedinica 0001, ekonomski kod 614200, "Tekući transferi pojedincima", subanalitika OAD 214 "Pomoć za liječenje i nabavku lijekova".

Uplata sredstava bit će izvršena na račun Službe za opću upravu i društvene djelatnosti Općine Žepče, koja se obavezuje da sredstva uplati na račun Centra za srce BH Tuzla, te izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana izvršene doznake sredstava na račun Centra.

Za realizaciju ovog zaključka zadužuju se Ministarstvo za boračka pitanja i Ministarstvo finansija, svako u okviru svojih nadležnosti.

Zadužuje se Ministarstvo za boračka pitanja da pravovremeno uputi zahtjev Federalnom fondu solidarnosti sa ciljem refundiranja sredstava iz ovog zaključka.

#### **14. tačka dnevnog reda**

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspeksijske poslove.

Vlada je jednoglasno donijela Zaključak kojim se prihvata stav Kantonalne uprave za inspeksijske poslove u vezi akta načelnika Općine Kakanj po pitanju uklanjanja bespravno sagrađenih objekata.

#### **15. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali: Ministar Ministarstva finansija, Ministar Ministarstva za boračka pitanja, Ministar Ministarstva unutrašnjih poslova i sekretar Vlade.

Vlada je jednoglasno donijela Zaključak kojim se u Programu rada Vlade za 2012. godine, broj: 02-34-3406/12, od 09.02.2012. godine, vrše izmjene i dopune, tako što se u dijelu:

##### **I. NORMATIVNO - PRAVNI POSLOVI**

**B. OBLAST FINANSIJA** u tački 1. "Dokumenat okvirnog Budžeta Zeničko-dobojskog kantona za 2013-2015 godinu", riječi : "Rok: juni" zamjenjuju riječima "Rok: oktobar".

##### **C. OBLAST OBRAZOVANJA, NAUKE, KULTURE I SPORTA**

Tačka 7. "Pedagoški standardi za osnovnu školu" briše se.

Tačka 8. "Pedagoški standardi za srednju školu" briše se.

Tačka 10. "Zakon o naučno-istraživačkoj djelatnosti" briše se.

##### **D. OBLAST UNUTRAŠNJIH POSLOVA, JAVNOG REDA I MIRA**

U tački 12. "Zakon o izmjeni i dopuni Zakona o nabavljanju, držanju i nošenju oružja i municije", riječi : "Rok: Nacrt: maj; Prijedlog: septembar" zamjenjuju riječima "Rok: Nacrt: oktobar; Prijedlog: decembar".

Iza tačke 12. dodaje se nova tačka."12.a Zakon unutrašnjim poslovima Zeničko-dobojskog kantona (Nacrt)

**Nosilac izrade:** Ministarstvo unutrašnjih poslova Zeničko-dobojskog kantona

**Predlagač:** Vlada

**Pravni osnov:** sadržan je u članu 18. stav 1. tačka b. i članu 37. tačka h. Ustava Zeničko-dobojskog kantona.

**Razlozi za donošenje:** Stvaranje normativnih pretpostavki za efikasnu zaštitu građana i javnog interesa, te unapređenje vladavine prava, s ciljem ostvarivanja očekivanja građana, posebno u smislu provedbe odredaba krivičnog zakonodavstva, javnog reda i mira, sigurnosti saobraćaja, nabavljanja, držanja i nošenja oružja i municije, a uvjet za to jesu jasno

propisane nadležnosti u rukovođenju i odvojenim rukovođenjima (ministar) od operativnog rukovođenja (policijski komesar).

**Postupak donošenja (redovan):** Na prijedlog Ministarstva Vlada utvrđuje Nacrt i Prijedlog Zakona i upućuje ga u skupštinsku proceduru.

**Rok:** Nacrt: oktobar; Prijedlog: decembar”.

Tačka 13. “Uredba o osiguranju određenih ličnosti i objekata u Zeničko-dobojskom kantonu” briše se.

Tačka 14. “Uredba o Uredu za pritužbe javnosti” briše se.

## **G. OBLAST ZDRAVSTVA**

Tačka 24. “Odluka o osnivanju Zavoda zdravstvenog osiguranja Zeničko-dobojskog kantona”, briše se.

u tački 27. “Odluka o neposrednom učešću osiguranih lica u troškovima korištenja pojedinih vidova zdravstvene zaštite”, riječi : “Rok: juli” zamjenjuju riječima “Rok: “decembar”

## **H. OBLAST PROSTORNOG UREĐENJA, SAOBRAĆAJA I KOMUNIKACIJA I ZAŠTITE OKOLICE**

Iza tačke 32. dodaje se nova tačka 32.a. “Nacrt Zakona o javno-privatnom partnerstvu”

**Nosilac izrade:** Ministarstvo za prostorno uređenje, saobraćaj i komunikacije i zaštitu okoline,

**Pravni osnov:** Sadržan je u odredbi člana 37 stav 1 tačka f) Ustava Zeničko-dobojskog kantona prema kojima je utvrđeno da Skupština Kantona donosi zakone i ostale propise neophodne za izvršavanje nadležnosti Kantona.

**Razlozi za donošenje:** U cilju zadovoljavanja javnih potreba kroz vid saradnje javno-privatnog partnerstva kao oblika saradnje javnog (državnog) i privatnog sektora kroz udruživanje resursa, kapitala i stručnih znanja, ukazala se potreba zakonskog regulisanja ove značajne oblasti.

**Postupak donošenja:**redovan (Predlaže Vlada, donosi Skupština Kantona u redovnoj skupštinskog procedure).

**Rok:** Nacrt: septembar,

U tački 33. “Odluka o izmjeni i dopuni Odluke o načinu raspodjele sredstava Fonda za zaštitu okoline” riječi “Rok: april” zamjenjuju se riječima “Rok: decembar”.

## **I. OBLAST BORAČKIH PITANJA**

U tački 34. “Zakon o izmjenama i dopunama Zakona o dopunskim pravima branilaca i članova njihovih porodica (Prijedlog)” riječi “Rok: (redovan) mart” zamjenjuju se riječima “Rok: novembar”.

U tački 35. “Odluka o izmjenama i dopunama Odluke o proširenom obimu prava iz oblasti zdravstvene zaštite za braniocce i članove njihovih porodica” riječi “Rok: (redovan) april” zamjenjuju riječima “Rok: decembar”.

U tački 36. “Uredba o izmjenama i dopunama Uredbe o medicinskoj rehabilitaciji branilaca i članova njihovih porodica u banjsko-klimatskim lječilištima” riječi “Rok: maj” zamjenjuju riječima “Rok: decembar”.

U tački 37. “Uredba o izmjenama i dopunama Uredbe o stipendiranju branilaca i članova njihovih porodica” riječi “Rok: juni” zamjenjuju riječima “Rok: decembar”.

U tački 38. “Uredba o izmjenama i dopunama Uredbe o prednosti u školovanju branilaca i članova njihovih porodica” riječi “Rok: juni” zamjenjuju riječima “Rok: decembar”.

U tački 39. “Uredba o izmjenama i dopunama Uredbe o rješavanju stambenog pitanja branilaca i članova njihovih porodica”, riječi “Rok: april” zamjenjuju riječima “Rok: decembar”.

U tački 40. “Uredba o izmjenama i dopunama Uredbe o pomoći braniocima i članovima njihovih porodica koji se nalaze u teškoj socijalno-ekonomskoj situaciji” riječi “Rok: maj” zamjenjuju riječima “Rok: decembar”.

U tački 41. “Uredba o izmjenama i dopunama Uredbe o dodjeli kredita za zapošljavanje branilaca i članova njihovih porodica” riječi “Rok: juni” zamjenjuju riječima “Rok: decembar”.

U tački 42. “Odluka o izmjenama i dopunama Odluke o naknadi troškova podizanja nišana/nadgrobnog spomenika” riječi “Rok: juni” zamjenjuju riječima “Rok: decembar”.

U tački 43. "Odluka o izmjenama i dopunama Odluke o naknadi troškova dženaze/sahrane branilaca i članova njihovih porodica" riječi "Rok: juni" zamjenjuju riječima "Rok: decembar".

#### **J. OSTALE OBLASTI**

Tačka 47. "Odluka o obimu i strukturi robnih rezervi Zeničko-dobojskog kantona" se briše.

Tačka 48. "Plan robnih rezervi Zeničko-dobojskog kantona" se briše.

## **II. STUDIJSKO-ANALITIČKI I STRUČNO-OPERATIVNI POSLOVI**

### **B. OBLAST FINANSIJA**

U tački 9. "Smjernice ekonomske i fiskalne politike Zeničko-dobojskog kantona za 2013. godinu", riječi : "Rok: maj" zamjenjuju riječima "Rok: august".

Tačka 12. "Izvještaj o reviziji finansijskih Budžeta Zeničko-dobojskog kantona za 2011. godinu" briše se.

### **C. OBLAST OBRAZOVANJA, NAUKE, KULTURE I SPORTA**

U tački 30. "Informacija o stanju u oblasti osnovnog obrazovanja na području Zeničko-dobojskog kantona", riječi : "Rok: septembar" zamjenjuju riječima "Rok: novembar".

U tački 31. "Informacija o stanju u oblasti srednjeg obrazovanja na području Zeničko-dobojskog kantona", riječi : "Rok: septembar" zamjenjuju riječima "Rok: novembar".

### **H. OBLAST ZDRAVSTVA**

U tački 73. "Izvještaj o izvršenju Finansijskog plana Zavoda zdravstvenog osiguranja Zeničko-dobojskog kantona za 2011. godinu", riječi : "Rok: april" zamjenjuju riječima "**Rok: septembar**".

U tački 74. "Izvještaj o kontroli zdravstvene zaštite u Kantonalnoj bolnici Zenica za 2011. godinu", riječi : "Rok: maj" zamjenjuju riječima "Rok: septembar".

U tački 75. "Izvještaj o kontroli zdravstvene zaštite u Općoj bolnici Tešanj za 2011. godinu", riječi : "Rok: maj" zamjenjuju riječima "Rok: novembar".

### **J. OBLAST BORAČKIH PITANJA**

U tački 97. "Informacija o stipendiranju branilaca i članova njihovih porodica u studijskoj 2011/2012 godini", riječi : "Rok: juni" zamjenjuju riječima "Rok: septembar".

### **K. OSTALE OBLASTI**

U tački 108. "Program razvoja zaštite i spašavanja materijalnih dobara od prirodnih i drugih nesreća u Zeničko-dobojskom kantonu za razdoblje 2012.-2016. godine" riječi : "Rok: juni" zamjenjuju riječima "Rok: oktobar".

Zadužuje se Stručna služba Vlade da dostavljanjem ovog zaključka informiše Stručnu službu Skupštine Zeničko-dobojskog kantona o izmjeni i dopuni Programa rada Vlade za 2012. godinu.

## **16. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali: Ministar Ministarstva za poljoprivredu, šumarstvo i vodoprivredu i Sekretar Vlade.

Vlada je jednoglasno donijela Rješenje kojim se imenuje Interresorna radna grupa za izradu Informacije o stanju i funkcionisanju medija na području Zeničko-dobojskog kantona (u daljem tekstu: Radna grupa), sa ciljem izvršenja programskog zadatka Vlade i Skupštine Zeničko-dobojskog kantona u 2012. godini.

U Radnu grupu se imenuju:

1. Nađa Mišić, predstavnik Ministarstva za prostorno uređenje, promet i komunikacije i zaštitu okoline, predsjednik,
2. Esad Delibašić, predstavnik Ministarstva za obrazovanje, nauku, kulturu i sport, član,
3. Mersiha Kaknjo-Sinanović, predstavnik Ministarstva finansija, član,
4. Nadja Omerović, predstavnik Ureda Premijera, član.

Zadatak Radne grupe je da do kraja mjeseca septembra 2012. godine pripremi Informaciju o stanju i funkcionisanju medija na području Zeničko-dobojskog kantona, te istu uputi Vladi Zeničko-dobojskog kantona na razmatranje.

### **17. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

Vlada je jednoglasno donijela Rješenje kojim se imenuje Interdisciplinarna radna grupa za izradu Informacije o opravdanosti osnivanja Javnog servisa Kantonalna radio-televizija (u daljem tekstu: Radna grupa), sa ciljem izvršenja programskog zadatka Vlade i Skupštine Zeničko-dobojskog kantona u 2012. godini.

U Radnu grupu se imenuju:

1. Delibašić Esad, predstavnik Ministarstva za obrazovanje, nauku, kulturu i sport, predsjednik,
2. Mujičić Eladina, predstavnik Ministarstva za prostorno uređenje, promet i komunikacije i zaštitu okoline, član,
3. Doglod Ramo, predstavnik Ministarstva finansija, član,
4. Omerović Nadja, predstavnik Ureda Premijera, član.

Zadatak Radne grupe je da do kraja mjeseca septembra 2012. godine pripremi Informaciju o opravdanosti osnivanja Javnog servisa Kantonalna radio-televizija, te istu uputi Vladi Zeničko-dobojskog kantona na razmatranje.

### **18. tačka dnevnog reda**

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva za rad, socijalnu politiku i izbjeglice, Ministrica Ministarstva zdravlja, Sekretar Vlade i Ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odlaže izjašnjavanje o Informaciji radne grupe za analizu propisa kojima se uređuje rad Kantonalne uprave za inspeksijske poslove sa ciljem stvaranja uvjeta za efikasniji rad (u daljem tekstu: Informacija), za jednu od narednih sjednica Vlade a najkasnije u roku od 15 dana.

Vlada zaključuje da zainteresovani subjekti, sva ministarstva uključujući i Kantonalnu upravu za inspeksijske poslove, mogu u roku od 7 dana dostaviti u pismenoj formi svoje primjedbe, sugestije i dopune Informacije iz ovog zaključka.

Prilikom rasprave o Informaciji iz ovog zaključka, sjednici Vlade treba da prisustvuju direktorica, pomoćnici direktora, sekretar i glavni inspektori Kantonalne uprave za inspeksijske poslove, sa ciljem vođenja rasprave u svrhu donošenja konačne odluke u vezi sa Informacijom.

### **19. tačka dnevnog reda**

Premijer Zeničko-dobojskog kantona je konstatovao da je ova tačka usvojena dana 24.09.2012. i članovi Vlade su jednoglasno potvrdili donošenje Zaključka.

### **20. tačka dnevnog reda**

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se udruženju Infohause iz Sarajeva odobrava iznos od 240,00 KM (slovima: dvijestotinečetdeset konvertibilnih maraka) u svrhu provođenja

Projekta „Volontiraj-kreditiraj 2012“ radi „zapošljavanja“ na 1 dan 12 srednjoškolaca, i to po 3 srednjoškola poljoprivrednog, veterinarskog, građevinskog i šumarskog smjera radi sticanja prakse u ovom Ministarstvu.

Sredstva iz ovog Zaključka isplatit će se iz Budžeta Zeničko-dobojskog kantona za 2012. godinu, razdjel 23, budžetska organizacija 01, potrošačka jedinica 001, ekonomski kod 613900, pozicija „Ugovorene i druge posebne usluge“.

Navedeni iznos sredstava isplaćuje se Udruženju Infohause na račun broj: 1610000041690223, otvoren kod Raiffeisen banke d.d. Sarajevo

## **21. tačka dnevnog reda**

Članovi Vlade su dostavom materijala u prilogu, informisani u vezi sa ovom tačkom dnevnog reda.

Radi potrebe usaglašavanja stavova po pitanjima iz više resora, nakon upoznavanja o temama od strane resornih ministara, Vlada je okviru ove tačke donijela:

- Zaključak kojim se formira radna grupa u sastavu:
  1. Mirsad Isaković, ministar Ministarstva finansija,
  2. Romana Brkić, ministrica Ministarstva za pravosuđe i upravu,
  3. Mirko Trifunović, ministar Ministarstva za obrazovanje, nauku, kulturu i sport,
  4. Ivica Ćurić, ministar Ministarstva za rad, socijalnu politiku i izbjeglice i
  5. Mirsad Kadić, Sekretar Sekretarijata za zakonodavstvo,

sa zadatkom da posjeti općinu Žepče u cilju postizanja dogovora sa nadležnim iz općine o potpunoj implementaciji Odluke o integraciji općine Žepče („Službene novine Federacije Bosne i Hercegovine“, broj: 44/00) u ustavna rješenja Zeničko-dobojskog kantona i Ustav Federacije Bosne i Hercegovine i s tim u vezi Vladi Zeničko-dobojskog kantona predloži zaključak.

- Zaključak kojim se ovlašćuje Ministarstvo finansija Zeničko-dobojskog kantona da angažovanjem Stručnih savjetnika za unutrašnju reviziju, izvrši reviziju nad korištenjem budžetskih sredstava i sredstava izvanbudžetskog fonda u javnim zdravstvenim ustanovama sa područja Zeničko-dobojskog kantona, čiji osnivač je Zeničko-dobojski kanton, a prema planu revizorske kontrole, počevši od Kantonalne bolnice Zenica.

Nakon izlaganja resornih ministara, članovi Vlade su se saglasili sa:

- inicijativom Ministra Ministarstva finansija i Ministra Ministarstva za rad, socijalnu politiku i izbjeglice za pokretanje procedure sa ciljem formiranja Kantonalne banke,
- inicijativom Ministrice Ministarstva zdravstva za pokretanju procedure za izmjenu Programa mjera štednje, sa ciljem ujednačavanja plaća direktora zdravstvenih ustanova sa područja Zeničko-dobojskog kantona,
- inicijativom Ministra Ministarstva za poljoprivredu, šumarstvo i vodoprivredu za pokretanju procedure izjednačavanja kriterija u ministarstvima u vezi isplaćivanja naknade za članstvo u komisijama,
- prijedlogom Ministrice Ministarstva zdravstva za plaćanje troškova za saniranje kvara na instalaciji za grijanje Kantonalnog zavoda za medicinu rada i sportsku medicinu.

Premijer Zeničko-dobojskog kantona je zaključio sjednicu u 13<sup>25</sup> sati.

**SEKRETAR VLADE**

*Berjana Ačkar*

**ZAPISNIČAR**

*Azra Dedić*

**PREMIJER**

*mr.sci.Fikret Plevljak dipl.ing.*